

Sarajevo, 1.2.2022.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA

n/r gospodin Tomislav Martinović, predsjedavajući

Na osnovu članova 177 i 178 Poslovnika o radu Doma naroda Parlamenta FBiH, podnosimo:

Bosna i Hercegovine
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 01-02-2022			
Org. jed.	Broj	Priloga	Vrijednost
02	-02-	1648	129

AMANDMAN

Na Prijedlog Zakona o izmjeni zakona o pripadnosti javnih prihoda u Federaciji Bosne i Hercegovine

Član 2. mijenja se i glasi:

„Ovaj zakon stupa na snagu 01.01.2023. godine“.

OBRAZLOŽENJE:

Uzimajući u obzir kako je praksa u uređenim društvima da se fiskalni zakoni razmatraju i donose tokom godine, a primjenjuju početkom planskih perioda, naglašavamo kako tekst zakona u predloženoj formi nije u skladu sa postojećim zakonima koji regulišu oblast budžetskog planiranja, Zakona o dugu, te odredbi Zakona o pripadnosti javnih prihoda u FBiH.

Posebno naglašavamo da je i Vlada FBiH u svom mišljenju jasno iskazala kako je sporna implementacija zakona sa predloženim članom 2.

Dužni smo dodatno obrazložiti kako bi primjena zakona osam dana od objave praktično značilo kršenje više odredbi vazećih zakona, i to između ostalih:

- Član 7. Zakona o dugu, zaduživanju i garancijama u FBiH

- Član 15. budžetski kalendar, Član 16. 17. 18. Dokument okvirnog Budžeta, Član 19. Podnošenje budžetskih zahtjeva, Član 29. Program javnih investicija, Član 33. saglasnost Ministarstva finansija nižim nivoima vlasti, Član 43. fiskalna pravila, Član 44. izjava o fiskalnoj odgovornosti iz Zakona o budžetima FBiH


- Član 12a. Zakona o pripadnosti javnih prihoda u FBiH koji se odnosi na godišnje uputstvo o raspodjeli

Imajući u vidu ozbiljnost izmjena ovog Zakona, negativno mišljenje koje je dala Vlada Federacije BiH, kao i činjenicu da je Vlada FBiH već formirala radnu grupu za pripremu potpuno novog i sveobuhvatnog zakona koji bi ispravio postojeće nepravde, smatramo da bi primjenu zakona trebalo pomjeriti za početak naredne godine.

Usvajanje navedenog amandmana predstavlja kompromis koji znači potpunu i zakonitu primjenu zakona, a dodatno vrijeme šansa da Vlada FBiH kroz formiranu komisiju u saradnji zainteresovanih političkih aktera i struke, dostavi sveobuhvatan zakon sa transparentnim, stručnim i pravednim kriterijima.

Ukoliko do kraja ove godine Vlada FBiH ne uradi svoj dio obaveza po zaključku DN FBiH i vlastitim Programom rada u kojem se obavezala na izradu novog zakona, predmetni zakon koji razmatramo bez bilo kakvih pravnih osporavanja stupa na snagu 01.01.2023. godine

Segmedina Srna Bajramovic, delegatkinja



Aner Žuljević, delegat

